

машинкатура

ЎЗБЕКИСТОН РЕСПУБЛИКАСИ
ОЛИЙ ВА ЎРТА МАХСУС ТАЪЛИМ ВАЗИРЛИГИ

МИРЗО УЛУҒБЕК НОМИДАГИ
ЎЗБЕКИСТОН МИЛЛИЙ УНИВЕРСИТЕТИ



ЎЗБЕКИСТОН МИЛЛИЙ УНИВЕРСИТЕТИНИНГ УСТАВИ

Тошкент-2018

№1406
02



Ўзбекистон Республикаси
Олий вақар вақус таълим вазирилигининг
" Қош " даги
-сонли буйруғига
илова



MIRZO ULUG'BEK NOMIDAGI O'ZBEKISTON MILLIY UNIVERSITETI USTAVI

(янги тахрирда)

Мирзо Улуғбек номидаги Ўзбекистон Миллий университетининг УСТАВИ

І. Умумий қондалар

1. Ўзбекистон Миллий университети 1918 йилнинг 12 майида жадид зиёлилари томонидан халқ дорилфунуни сифатида ташкил этилган. Ўзбекистон Республикаси Президентининг 2000 йил 28 январдаги ПФ 2532-сонли Фармониға биноан унга “Ўзбекистон Миллий университети” мақоми берилган ва Мирзо Улуғбек номидаги Ўзбекистон Миллий университети деб номланган. Тошкент шаҳар статистика бошқармаси томонидан 2002 йил 15 ноябрь 00-0316-15, FN№ 051473 рақам билан юридик шахс сифатида давлат рўйхатидан ўтказилган (Гувоҳнома № 000454, 2004 йил 21 сентябрь).

2. Ўзбекистон Миллий университети давлат олий таълим муассасаси ҳисобланиб, олий таълимнинг асосий ва қўшимча таълим дастурларини бажариш бўйича таълим фаолияти билан шуғулланади, шунингдек, Ўзбекистон Республикасининг қонун ҳужжатларига мувофиқ ўқув-педагогик, илмий, илмий-методик ҳамда бошқа таълим фаолиятини амалга оширади ва хизматлар кўрсатади.

3. Ўзбекистон Миллий университети ўз фаолиятида Ўзбекистон Республикасининг Конституцияси, “Таълим тўғрисида”ги қонуни, Кадрлар тайёрлаш миллий дастури, Олий Мажлис палаталарининг қарорлари, Ўзбекистон Республикаси Президентининг Фармонлари, қарорлари ва фармойишлари, Вазирлар Маҳкамасининг қарорлари ва фармойишлари, Олий ва ўрта махсус таълим вазирлигининг норматив-ҳуқуқий ҳужжатлари ва мазкур Уставға амал қилади.

4. Ўзбекистон Миллий университети юридик шахс ҳисобланади. Оператив бошқарувида ўзига хос махсус мол-мулкка эға ва ушбу мол-мулк бўйича ўз мажбуриятларига мувофиқ жавоб беради, ўз номидан мол-мулк сотиб олиш ва мулкий ҳамда номулкий ҳуқуқларни амалга ошириш, зиммасига мажбурият олиш, судда даъвоғар ва жавобғар бўлиши мумкин. Мустақил балансға, банк муассасаларида ҳисоб-китоб ва бошқа шу жумладан валюта бўйича ҳисоб рақамларига, Ўзбекистон Республикаси Давлат герби тасвири туширилган ва ўз номи давлат тилида ёзилган муҳриға, штампига ва қонун ҳужжатларига мувофиқ ўзининг фаолияти учун зарур бўлган бошқа хизмат белгилари ва реквизитларига эға.

5. Ўзбекистон Миллий университетининг расмий тўлиқ ва қисқартирилган номи:

давлат тили, кирилл алифбосида: Мирзо Улуғбек номидаги Ўзбекистон Миллий университети - “ЎЗМУ”

давлат тили, лотин алифбосида: Mirzo Ulug‘bek nomidagi O‘zbekiston Milliy universiteti - “O‘zMU”

рус тилида: Национальный университет Узбекистана имени Мирзо Улугбека - "НУУз"

инглиз тилида: National University of Uzbekistan named after Mirzo Ulugbek - "NUU"

6. ЎзМУ ташкилий-ҳуқуқий жиҳатдан Ўзбекистон Республикаси Олий ва ўрта махсус таълим вазирлиги тузилмасига киради.

7. ЎзМУнинг юридик манзили:

Тошкент шаҳри, Олмазор тумани, Талабалар шаҳарчаси, Университет кўчаси, 4-уй. 100174, телефон:(71)-246-02-24.

II. Ўзбекистон Миллий университетининг асосий вазифалари

8. ЎзМУнинг асосий вазифалари қуйидагилардан иборат:

– фундаментал ва гуманитар фанлар соҳасида юқори малакали ўқитувчи ва илмий кадрларни замонавий талаблар даражасида тайёрлаш;

– Республиканинг математика, табиий-илмий ва гуманитар йўналишлари бўйича олий маълумотли кадрлар тайёрлаш соҳасидаги таянч олий таълим муассасаси сифатида олий таълимнинг ўқув дастурларини ишлаб чиқиш ва такомиллаштиришни таъминлаш;

– фундаментал илмий-тадқиқотлар ўтказиш, илм-фаннинг истикболли, юқори технологияли йўналишлари бўйича мамлакатимиз илмий мактабларини ривожлантириш, илм-фан ва олий таълим соҳаларида етакчи хорижий университетлар ва илмий марказлар билан ҳамкорликни мустаҳкамлаш;

– мамлакат олий таълим муассасаларининг таълим-тарбия, илмий-услубий ва маданий-маърифий фаолиятини мувофиқлаштириш, узлуксиз таълим тизими босқичларининг узлуксизлиги ва давомийлигини таъминлаш;

– олий таълим муассасалари ўқитувчилари ҳамда илмий-тадқиқот ташкилотлари мутахассисларини қайта тайёрлаш ҳамда малакасини ошириш тизимини эътироф этилган халқаро талаблар ва стандартлар даражасида такомиллаштириш;

– жаҳоннинг етакчи илмий-таълим муассасалари билан яқин ҳамкорлик алоқалари ўрнатиш, ўқув жараёнига халқаро таълим стандартларига асосланган илгор педагогик технологиялар, ўқув дастурлари ва ўқув-услубий материалларини кенг жорий қилиш, ўқув-педагогик фаолиятга, мастер-класслар ўтказишга, малака ошириш курсларига хорижий ҳамкор таълим муассасаларидан юқори малакали ўқитувчилар ва олимларни фаол жалб қилиш, уларнинг базасида тизимли асосда ЎзМУ магистрант, ёш ўқитувчи ва илмий ходимларининг стажировка ўташларини, профессор-ўқитувчиларни қайта тайёрлаш ва малакасини оширишни ташкил қилиш;

– таълим жараёнига, олий таълимнинг ўқув режа ва дастурларига янги педагогик технологиялар ва ўқитиш усулларини кенг жорий этиш, магистратура илмий-таълим жараёнини сифат жиҳатидан янгилаш ва замонавий шаклларни жорий этиш асосида янада такомиллаштириш;

– янги авлод ўқув адабиётларини яратиш ва таълим жараёнига кенг татбиқ этиш, университетни замонавий ўқув, ўқув-методик ва илмий адабиётлар билан таъминлаш, шу жумладан, янги адабиётларни таълим жараёнига жорий қилиш, ахборот-ресурс марказлари фондларини мунтазам янгилаб бориш;

– педагог кадрларнинг касб маҳорати сифати ва савиясини узлуксиз юксалтириш, хорижда педагог ва илмий ходимларнинг малакасини ошириш ва стажировкасини ўтказиш, битирувчиларни PhD ва магистратура дастурлари бўйича ўқитиш, ўқув жараёнларга юқори малакали хорижий олимлар, ўқитувчи ва мутахассисларни кенг жалб қилиш;

– илмий салоҳиятни мустаҳкамлаш, илм-фанни янада ривожлантириш, унинг академик илм-фан билан интеграциялашувини кучайтириш, профессор-ўқитувчиларнинг илмий тадқиқот фаолияти самарадорлиги ва натижадорлигини ошириш, икtidорли талаба-ёшларни илмий фаолият билан шуғулланишга кенг жалб этиш;

– таълим жараёнида талаба-ёшларга мустақиллик ғояларига, юксак маънавият ва инсонийликнинг миллий анъаналарига содиқлик руҳини чуқур сингдириш, уларда ёт ғоя ва мафкураларга нисбатан иммунитет ва танқидий тафаккурни мустаҳкамлаш бўйича кенг қўламли маърифий ва тарбиявий ишларни олиб бориш;

– моддий-техник базани ўқув ва илмий-лаборатория бино ва корпуслари, спорт иншоотлари, ижтимоий-муҳандислик инфратузилмаси объектларини қуриш, реконструкция қилиш ва капитал таъмирлаш, илм-фаннинг устувор йўналишлари бўйича ўқув-илмий лабораторияларни замонавий асбоб ва ускуналар билан жиҳозлаш орқали янада мустаҳкамлаш;

– таълим жараёнини замонавий ахборот-коммуникация технологиялари воситалари билан таъминлаш, талабалар, ўқитувчилар ва ёш тадқиқотчиларнинг жаҳон таълим ресурслари, замонавий илмий адабиётларнинг электрон каталоглари ва маълумотлар базаларига кириш имкониятларини кенгайтириш.

Ш. Ўқув-тарбиявий ва илмий-методик ишларнинг субъектлари, уларнинг ҳуқуқ ва мажбуриятлари

9. ЎЗМУ ректорининг буйруғи билан ўқишга қабул қилинган шахс ЎЗМУнинг талабаси ҳисобланади. Талабага талабалик гувоҳномаси ҳамда рейтинг (баҳолаш) дафтарчаси бепул берилади.

Муассага қабул қонун ҳужжатларида белгиланган тартибда умумий ўрта, ўрта махсус, касб-хунар таълими маълумотига эга бўлган шахслар аризаларига биноан Ўзбекистон Республикаси олий таълим муассасаларига талабаларни қабул қилиш тартиб ва қоидаларига мувофиқ Ўзбекистон Республикаси таълим муассасаларига қабул қилиш бўйича Давлат комиссияси қарорига мувофиқ кириш синовлари натижаларига кўра тўпланган балларнинг рейтинг (баҳолаш) тизими бўйича амалга оширилади.

Университетга қабул барча учун (ҳам грант, ҳам тўлов-контракт бўйича) тенг ҳуқуқлилиқ, ягона қабул қоидалари ва ягона танлов асосида амалга оширилиб, тест синовларида ёки имтиҳонларда энг юқори балл тўплаган абитуриентларнинг давлат грантлари бўйича биринчи навбатда қабул қилиниш ҳуқуқи таъминланади. Қолган абитуриентлар кириш синовлари натижаларига кўра тўплаган баллари асосида белгиланган тўлов-контракт квоталари доирасида қабул қилиниш ҳуқуқига эгадирлар. ЎЗМУнинг бакалаврият ва магистратурасига ўқишга қабул қилиш, талабалар ўқишини кўчириш, қайта тиклаш ва ўқишдан четлаштириш Ўзбекистон Республикаси Вазирлар Маҳкамасининг 2017 йил 20 июндаги 393-сонли Қарори билан тасдиқланган “Олий таълим муассасаларининг бакалавриятига талабаларни ўқишга қабул қилиш тартиби тўғрисида”, “Олий таълим муассасаларининг магистратурасига ўқишга қабул қилиш тартиби тўғрисида” ҳамда “Олий таълим муассасалари талабалари ўқишини кўчириш, қайта тиклаш ва ўқишдан четлаштириш тартиби тўғрисида” Низомларга мувофиқ амалга оширилади.

Ўзбекистон Республикаси Конституциясининг 41-моддасига биноан ҳар ким билим олиш ҳуқуқига эга. Қонунчилиққа мувофиқ кириш синовларисиз муайян имтиёз асосида ҳам ўқишга қабул қилиш амалга оширилиши мумкин.

“Ўзбекистон Республикаси Президентининг “Мард ўғлон” давлат мукофотини таъсис этиш чора-тадбирлари тўғрисида” 2017 йил 21 ноябрдаги ПҚ-3440-сон қарорига мувофиқ “Мард ўғлон” давлат мукофоти соҳиблари бўлган умумтаълим ва ўрта махсус, касб-хунар таълими муассасаларининг ўқувчилари мос таълим йўналишлари бўйича ЎЗМУга танловдан ташқари тест синовларисиз ва касбий (ижодий) имтиҳонларсиз давлат грантлари асосида қабул қилинадилар.

Ўзбекистон Республикаси Президентининг давлат стипендиялари ва номли давлат стипендиялари совриндорлари, шунингдек ЎЗМУ магистратурасига бакалавриятнинг таълим йўналишига мос мутахассисликларга танловдан ташқари давлат гранти асосида қабул қилинадилар. (ЎзР ВМ 09.01.2018 й. 18-сон Қарори таҳриридаги банд)

10. ЎЗМУ талабалари қуйидаги ҳуқуқларга эга:

– фан, техника, замонавий технологиялар ютуқларига мос келувчи билимлар олиш;

– университет ахборот-ресурс марказида мавжуд бўлган китоблар, даврий нашрлар, электрон таълим воситаларидан белгиланган тартибда бепул фойдаланиш;

– бепул маслаҳатлар ва йўл-йўриқлар олиш;

– аудиториялар, таълим жараёнига оид воситалардан ўрнатилган тартибда бепул фойдаланиш;

– таълим жараёни самарадорлиги ва таълим сифатини ошириш юзасидан ўз тақлиф-мулоҳазаларини, танқидий фикрларини белгиланган тартибда таълим муассасаси, деканат ва кафедра раҳбариятига билдириш ва

уларнинг кўриб чиқилишини талаб қилиш;

– университет ва факультет миқёсида ўтказиладиган оммавий тадбирларда иштирок этиш;

– илмий тадқиқот ишларининг барча турларида, конференциялар, симпозиумларда иштирок этиш, ўз илмий ишларини нашрга, шу жумладан, ЎЗМУ нашрларига тақдим этиш;

– университетда қонуний равишда фаолият юритаётган жамоат бирлашмаларига аъзо бўлиш ва улар ишида қатнашиш;

– ЎЗМУнинг муҳим масалаларини муҳокама этиш ва ҳал қилишда, шу жумладан, жамоат ташкилотлари ҳамда олий таълим муассасасини бошқариш органлари орқали қатнашиш;

– ўқишдан бўш вақтларида олий таълим муассасасининг ўзида, шунингдек, бошқа жойларда меҳнат қонунчилигига мувофиқ ишлаш;

– факультет раҳбарияти ва университет маъмуриятига ариза, шикоят, таклиф билан мурожаат қилиш, малакали юридик ёрдам олиш;

– ЎЗМУ маъмуриятининг буйруқ ва фармойишлари устидан қонунчиликда белгиланган тартибда шикоят қилиш;

– сифатли ва юқори савияда билим олиш, танланган йўналиши (мутахассислик) бўйича юқори малакали мутахассис бўлиб етишиш учун зарур бўлган қонун ҳужжатларига зид бўлмаган бошқа ҳуқуқлардан фойдаланиш.

– Талаба ўз ҳуқуқларини суистеъмол қилмаслиги, бу ҳуқуқлардан ўзга шахслар манфаатига зид мақсадларда фойдаланмаслиги шарт.

11. Давлат грантлари бўйича ва тўлов-контракт асосида ўқитишнинг кундузги шаклда таълим олаётган талабалар Ўзбекистон Республикаси Вазирлар Маҳкамаси томонидан белгиланган тартиб ва миқдорда стипендия билан таъминланадилар.

Талабалар тегишли норматив-ҳуқуқий ҳужжатларга асосан Ўзбекистон Республикаси Президентининг Давлат стипендияси, Ислоҳ Каримов, Алишер Навоий, Мирзо Улуғбек, Беруний номидаги Давлат стипендиялари, шунингдек, бошқа номдор стипендияни олиш ҳуқуқига эгадирлар.

12. Амалдаги қонун ҳужжатларига асосан талабаларга ҳарбий хизматни ўташ, саломатлигини тиклаш, ҳомиладорлик ва туғиш, болаларни парвариш қилиш учун академик таътил берилиши мумкин.

13. Ўзбекистон Республикаси қонун ҳужжатларига мувофиқ кундузги ўқув шаклида таълим олаётган талабаларга олий таълим муассасасида ўқиётган вақти давомида қонун ҳужжатларига мувофиқ ҳарбий хизматга қақариш муддатини кечиктириш имкони берилади.

14. Университетнинг Турар жойга муҳтож талабалар (биринчи навбатда чин етим, ота ёки онасини (боқувчисини) йўқотган, тўлов-контракт асосида таҳсил олаётган ва моддий томонидан қийналаётган талабалар) ЎЗМУнинг талабалар турар жойларидан санитария меъёрлари ва қоидаларига жавоб берадиган жой билан таъминланади. Талабалар турар жойларида талабаларга коммунал-маиший хизматлар учун тўловлар ЎЗМУ томонидан

белгиланади ва талабалар билан тегишли шартномалар тузилади.

15. ЎзМУдан четлаштирилган талаба қонунчиликда белгиланган тартиб асосида ўқишга қайта тикланиш ҳуқуқига эга.

ЎзМУнинг талабалари белгиланган тартиб ва қоидалар асосида бошқа олий таълим муассасаларига ўқишларини кўчириш ҳуқуқига эга.

16. ЎзМУнинг талабаларига қуйидаги мажбуриятлар юклатилади:

– таълим жараёнида Ўзбекистон Республикаси қонун ҳужжатлари талабларига, жамиятнинг ахлоқий принципларига, маънавий қадриятларга, ЎзМУнинг Устави, Ички-меҳнат тартиб қоидалари, Одоб-ахлоқ қоидаларига талабалар турар жойдари қоидаларига қатъий риоя қилиш;

– олий таълимнинг таълим дастурлари ва ўқув режасида назарда тутилган билимларни эгаллаш;

– ўқув машғулотларини узрли сабабларсиз қолдирмаслик, дарсга кеч қолиб келмаслик;

– таълим жараёнида, шу жумладан ўқув дастурларида белгиланган вазифаларни ва топшириқларнинг барча турларини белгиланган муддатда ва сифатли бажариш;

– ўз курсдошлари, талабалар, педагоглар ва бошқа ходимлар билан ҳушмуомалада бўлиш;

– кийиниш маданиятига риоя қилиш. Ташқи кўриниши ва ёмон ҳулқ-атвори билан бошқалардан ажралиб турмаслик, ахлоқ-одоб нормаларига сўзсиз бўйсунуш.

17. Университет ҳудудида талабаларга қуйидагилар таъқиқланади:

– диний мазмундаги ёзма ёки электрон воситалардаги материалларни тайёрлаш, сақлаш, тарқатиш;

– миллий, ирқий, диний адоватни тарғиб қилувчи ҳар қандай шаклдаги материалларни тайёрлаш, сақлаш, тарқатиш, тарғиб қилиш;

– ҳар қандай кўринишга эга ножўя ҳаракатларни ва бошқа турдаги ҳуқуқбузарликларни содир этиш;

– университет бинолари ва ҳудудидаги моддий-техник ва бошқа мулкларга зарар етказиш;

– ўқиш вақтида ЎзМУ маъмурияти рухсатисиз чет эл давлатларига бориш.

Ўзбекистон Республикаси Ҳуқумати қарорларида назарда тутилган ҳоллардан ташқари, талабаларни ўқиш вақти ҳисобидан таълим жараёни билан боғлиқ бўлмаган ишларга жалб этиш ман этилади.

18. Ушбу Устав ва ЎзМУнинг Ички меҳнат тартиби ва Одоб-ахлоқ қоидаларида назарда тутилган мажбуриятларни бузган тақдирда талабага нисбатан қуйидаги интизомий чоралар қўлланилади: ҳайфсан эълон қилиш, талабалар сафидан четлаштириш.

19. Белгиланган муддатларда фанларни ўзлаштира олмаган (академик қарздор бўлган) талаба ЎзМУ ректори буйруғи асосида курсдан қолдирилади.

20. Талаба университетдан қуйидаги ҳолларда талабалар сафидан четлаштирилиши мумкин:

- а) ўз хоҳишига биноан;
- б) ўқишнинг бошқа таълим муассасасига кўчирилиши муносабати билан;
- в) саломатлиги туфайли (тиббий комиссия маълумотномаси асосида);
- г) ўқув интизомини ва олий таълим муассасасининг ички тартиб-қоидаларини бузганлиги учун;
- д) бир семестр давомида дарсларни узрли сабабларсиз 74 соатдан ортик қолдирганлиги сабабли;
- е) ўқиш учун белгиланган тўлов ўз вақтида амалга оширилмаганлиги сабабли (тўлов-контракт бўйича таҳсил олаётганлар учун);
- ж) талаба суд томонидан озодликдан маҳрум этилганлиги муносабати билан;
- з) вафот этганлиги сабабли.

21. Университет маъмуриятининг ташаббуси билан ушбу Уставнинг 20-бандининг "е)" кичик бандига қўра талабаларни ўқишдан четлаштириш талабалар касаба уюшмасининг ёзма розилигини инobatга олган ҳолда (касаба уюшмаси аъзоси бўлган талабалар учун) амалга оширилади. Шунингдек, талаба мазкур Уставнинг 20-банди "г)" кичик бандига қўра четлаштирилаётган ҳолда, Ўзбекистон Республикаси Ёшлар иттифоқининг ЎЗМУдаги бошланғич ташкилоти ёшлар етакчиси билан ҳам келишилиши мумкин.

Талаба четлаштирилганда, унга (ота-онаси ёки ҳуқуқий васийсига уларнинг аризаси билан) шахсий ҳужжатлари, белгиланган шаклдаги академик маълумотнома топширилади ва уларнинг нусхаси шахсий йиғма жилдга тикиб қўйилади.

Талабага қўлланилган интизомий жазо чорасининг қонунийлиги ва адолатлилиги юзасидан у норозилик билдириши ва қонун ҳужжатларида белгиланган тартибда тегишли органларга мурожаат этиши мумкин.

Талабага нисбатан қўлланилган интизомий жазо юзасидан маълумот унинг шахсий йиғма жилдида сақланади.

Интизомий жазолар талабаларнинг касаллик ёки таътилда бўлган вақти ҳисобга олинмаган ҳолда хатти-ҳаракат аниқлангандан сўнг бир ойдан ва хатти-ҳаракат содир этилганидан сўнг олти ойдан кечиктирилмай қўлланилади. Талабаларни касаллик вақтида, академик таътил ёки ҳомиладорлик ва туғиш ҳолати билан боғлиқ бўлган таътил вақтларида талабалар сафидан четлаштириш мумкин эмас.

Касаллиги туфайли дарсларга қатнашмаган талаба (ёки унинг ота-онаси) бир ҳафта муддатдан кечиктирмасдан факультет раҳбариятига бу ҳақда хабар беради ва талаба ўқишга келган куни тиббий маълумотномани тақдим этади.

22. Талабалар томонидан ЎЗМУ ҳудуди ва хоналарида мобил телефонлардан фойдаланишлари Ўзбекистон Республикаси қонунчилигида

белгиланган тартибда амалга оширилади.

23. ЎзМУ ҳузуридаги педагог кадрларни қайта тайёрлаш ва уларнинг малакасини ошириш тармоқ Марказида ўқиётган шахслар тингловчилар ҳисобланади. Қайта тайёрлаш ва кадрлар малакасини ошириш тартиби, тингловчиларни ўқитиш шартлари қонун ҳужжатларига мувофиқ тегишли норматив-ҳуқуқий ҳужжатлар билан белгиланади.

24. Фалсафа доктори (PhD) ва фан доктори (DSc), мустақил изланувчилар

Ўзбекистон Республикаси Президентининг “Олий ўқув юртидан кейинги таълим тизимини янада такомиллаштириш тўғрисида”ги 2017 йил 16 февралдаги ПФ-4958-сонли Фармонида мувофиқ олий ўқув юртидан кейинги таълимнинг икки поғонали: диссертация ҳимоя қилиш ва тегишли фан тармоғи бўйича фалсафа доктори (Doctor of Philosophy - PhD) илмий даражасини беришни назарда тутувчи таянч докторантура;

диссертация ҳимоя қилиш ва тегишли фан тармоғи бўйича фан доктори (Doctor of Science - DSc) илмий даражасини беришни назарда тутувчи докторантура тизими жорий қилинган.

25. Муассасанинг профессор-ўқитувчилари (педагог ходимлар) таркиби, ўқув-ёрдамчи ва маъмурий-хўжалик ходимлари (персонали).

ЎзМУда профессор-ўқитувчилар, илмий ходимлар, муҳандислик-техника, маъмурий-хўжалик, ишлаб чиқариш, ўқув-ёрдамчи ва бошқа хизматчилар лавозимлари мавжуд.

Профессор-ўқитувчилар (педагог ходимлар) таркибига кафедра мудири, профессор, доцент, катта ўқитувчи, ўқитувчи (ассистент), ўқитувчи-стажёр лавозимлари кирази (ўқитувчи-стажёр лавозими Ўзбекистон Республикаси Вазирлар Маҳкамасининг 2008 йил 1 август “Республика олий таълим муассасалари ходимлари меҳнатида ҳақ тўлашнинг такомиллаштирилган тизимини тасдиқлаш тўғрисида”ги 164-сонли қарорига асосан киритилди).

26. Профессор-ўқитувчилар таркибидаги лавозимларни эгаллаш Ўзбекистон Республикаси Вазирлар Маҳкамасининг 2006 йил 10 февралдаги 20-сонли қарори билан тасдиқланган “Олий таълим муассасаларига педагог ходимларни танлов асосида ишга қабул қилиш тартиби тўғрисида”ги Низомга мувофиқ танлов асосида меҳнат шартномаси бўйича амалга оширилади.

Ўзбекистон Республикаси Президентининг 1992 йил 9 мартдаги Ф-137-сонли фармойишига мувофиқ олий таълим муассасасининг проректори ректор тавсиясига кўра Олий ва ўрта махсус таълим вазири томонидан Ўзбекистон Республикаси Президенти девони билан келишилган ҳолда тайинланади. Факультет декани Олий ва ўрта махсус таълим вазири билан келишилган ҳолда таълим муассасаси ректорининг буйруғи билан тайинланади.

27. ЎзМУнинг профессор-ўқитувчилари (педагог ходимлар) куйидаги ҳуқуқларга эга:

– белгиланган тартибда олий таълим муассасаси ва факультет Кенгашларига сайлаш ва сайланиш;

– ЎзМУ нинг фаолиятига тааллуқли масалаларни муҳокама қилишда иштирок этиш;

– ЎзМУ ахборот-ресурс маркази, ўқув ва илмий бўлинмаларнинг хизматларидан, шунингдек, ижтимоий-маиший, тиббий ва бошқа бўлимлар хизматидан жамоа шартномасига мувофиқ фойдаланиш;

– ўқитишнинг услуб ва воситаларини танлаш, ўқув ва илмий жараёнинг юқори сифатини таъминловчи илмий тадқиқот ишларини амалга ошириш;

– ЎзМУ маъмуриятининг буйруқ ва фармойишлари юзасидан қонунчиликда белгиланган тартибда мурожаат қилиш;

– қонунчиликда белгиланган тартибда танловларда қатнашиш, лавозимларни эгаллаш;

– Ўзбекистон Республикаси қонунчилиги талаблари асосида ўзлари ишлаётган кафедра, факультетдан ташқари бошқа факультет, кафедра, ташкилотларда ўриндошлик асосида ишлаш (асосий иш берувчи билан қелишилган ҳолда);

– хорижий ҳамкасбларнинг соҳага доир илмий ва ўқув-услубий адабиётлари билан танишиш ва улар билан фикр алмашиш;

– ўз фани бўйича сифатли дарсликлар ва ўқув қўлланмалар тайёрлаш;

– назарий билимларини, амалий тажрибасини, илмий тадқиқот олиб бориш услубини, педагогик маҳоратини такомиллаштириб бориш;

– талабаларнинг илмий тадқиқот ишларига раҳбарлик қилиш;

– грантлар, илмий лойиҳалар, хўжалик шартномаларида иштирок этиш;

– дарслик ва ўқув қўлланмалар тайёрлаш, монография ва илмий мақолалар ёзиш, ихтиро учун патент, АКТ учун дастурий маҳсулотларга гувоҳномалар олишларини амалга ошириш;

– тасдиқланган режага мувофиқ илмий-тадқиқот ишларини олиб бориш, илмий-тадқиқот ишларининг муҳокамасида иштирок этиш ва уларнинг натижаларини ишлаб чиқаришга жорий этиш, илмий ишлар натижаларини нашр этишга тавсия бериш;

– таълим, фан ва ишлаб чиқаришнинг самарали интеграциясини таъминлашда қатнашиш;

– талабаларнинг илмий-тадқиқот ишларига раҳбарлик қилиш;

– хорижий етакчи олимлар, илмий марказлар ва таълим муассасалари билан халқаро алоқаларни ривожлантиришда иштирок этиш;

– Ўзбекистон Республикасининг таълим соҳасига оид қонунчилигида белгиланган бошқа ҳуқуқлардан фойдаланиш.

28. ЎзМУ профессор-ўқитувчилари (педагог ходимлар)нинг мажбуриятлари қуйидагилардан иборат:

– таълим-тарбия жараёнига тегишли барча турдаги меъёрий ҳужжатларни билиш;

- таълим тўғрисидаги қонунчилик, меҳнат интизоми, мазкур Устав ва Ички меҳнат тартиби, Одоб-ахлоқ қоидаларига қатъий риоя қилиш;
- ўзининг хизмат вазифаларини виждонан бажариш ва педагоглик шаънига доғ туширмаслик;
- иш берувчининг қонуний фармойишларини бажариш, ҳар йили тасдиқланадиган шахсий режа асосида ўқув-услубий, илмий ва маънавий-маърифий ишларни ўз вақтида ва сифатли бажариш;
- иш жараёнида мулоқот қиладиган муассаса ходимлари, талабалари ва бошқа шахслар билан ҳушфезъл муносабатда бўлиш;
- ўзининг одоби, маданияти, маънавий савияси билан ўрнак бўлиш;
- кийиниш маданиятига риоя қилиш;
- иш берувчига бевосита етказилган ҳақиқий моддий зарарни қоплаш;
- меҳнатни муҳофаза қилиш, хавфсизлик техникаси ва ишлаб чиқариш санитария талабларига риоя қилиш;
- университетнинг мол-мулкани асраб авайлаш ва ундан оқилона фойдаланиш;
- Республикада амалга оширилаётган ислохотлар ва жаҳонда рўй бераётган янгиликлардан хабардор бўлиш;
- дарсларни юқори савияда ўтиш;
- талабалар билимини ҳолисона баҳолаш;
- ҳар ўқув йили бошлангунга қадар ўзи ўқитадиган фан(лар)нинг ишчи ўқув дастури, календар режаси ва назоратлар жадвалини (мажмуа) ишлаб чиқиш, кафедра мажлисида тасдиқлаш ва ўз вақтида ўтказиш;
- ўқув адабиётлар тайёрлаш, илмий мақолалар ёзиш, ихтиро учун патент, АКТ учун дастурий маҳсулотларга гувоҳномалар олиш;
- таълим, фан ва ишлаб чиқаришнинг самарали интеграциясини таъминлашда қатнашиш, талабаларнинг илмий-тадқиқот ишларига раҳбарлик қилиш;
- тарбиявий ишларни олиб бориш, талабалар билан маънавий-маърифий ишларда бевосита иштирок этиш, шу жумладан дарсдан ташқари вақтларда ўтказиладиган тадбирларда қатнашиш;
- Кенгаш томонидан тасдиқланган кафедра илмий мавзуларида иштирок этиш;
- педагогик ва илмий жараённинг самарадорлигини таъминлаш;
- таълим олувчиларда мустақил фикрлаш, ташаббускорлик, ижодий қобилиятни шакллантириш;
- дарслик, ўқув қўлланма ва бошқа ўқув адабиётларни ёзиш ва нашрга тайёрлаш;
- мутахассислиги бўйича таянч олий таълим муассасалари, ишлаб чиқариш корхоналарида ўз малакасини мунтазам равишда ошириб бориш;
- касбий фаолият соҳасининг долзарб масалаларига бағишланган очик маърузалар, маҳорат дарсларини ўқув йилида камида бир марта ташкил этиш;
- олий таълим сифатини таъминлашда илғор хорижий тажрибаларни

қўллаш;

- талабаларга рус тили ёки инглиз (француз, немис) тилларидан бирида маъруза, семинар ва амалий машғулотларни олиб бориш;

- талабалар билан аудиториядан ташқари ишларини ташкил этиш ва уларга раҳбарлик қилиш;

- хорижий давлатларнинг илғор тажрибаларини ўрганиш, уларни олий таълим сифатини таъминлашда ҳамда ўқув ва илмий-тадқиқот жараёнларини ташкил этиш жараёнида қўллаш;

- таълим соҳаларининг давлат таълим стандартлари, бакалаврият таълим йўналишлари ва магистратура мутахассисликларининг малака талаблари, ўқув режалари, ўқув фанлари дастурларини ишлаб чиқиш, такомиллаштириш.

Илмий-тадқиқот жараёнларини ташкил этишда:

- бакалаврлар, магистрлар, докторантлар, мустақил изланувчиларга раҳбарлик қилиш ва магистрларни ҳамда фан докторларини тайёрлаш.

- университет Кенгаши томонидан тасдиқланган кафедра илмий мавзуларида иштирок этиш;

- мутахассислик фанлари соҳасидаги тегишли даврий, илмий нашрлардаги ахборотлар билан ишлаш, илмий янгилıklar ва ахборотлардан ўқув мақсадларида фойдаланиш;

- мутахассислик ёки тадқиқот мавзуси бўйича Web of Science, Scopus, Web of Knowledge, Astrophysics, PubMed, Mathematics, Chemical, Abstracts, Springer, Agris GeoRef каби библиографик базаларидан бирига қирадиган рейтинг юқори ҳалқаро журналларда мақолалар чоп этиш;

- иктисодиёт тармоқлари ва ижтимоий соҳа ташкилотларида, етакчи мутахассислар, ҳамда тадбиркорлар билан семинар ва давра суҳбатларини доимий равишда ўтказиш, уларнинг фаолиятида юзага келадиган муаммоларнинг ечимига қаратилган илмий-амалий изланишларни олиб бориш;

- давлат илмий-техника дастурлари ҳамда халқаро илмий танловларга лойиҳалар тайёрлаш, маҳаллий ва халқаро лойиҳалар бўйича фундаментал ва амалий тадқиқотлар олиб бориш ва илмий-тадқиқот ишларини бажариш, грантлар, ҳўжалик шартномаларида иштирок этиш;

- халқаро ва маҳаллий илмий-назарий ва илмий-амалий конференциялар ва симпозиумларда иштирок этиш;

- рационализаторлик ғоялари, янги лойиҳалар, ихтиролар, электрон дастурлар учун муаллифлик гувоҳномаларини олиш, ижодий ишларни танлов ва кўргазмаларда намойиш этиш.

29. Профессор-ўқитувчиларни ишга қабул қилиш тегишли кафедранинг кенгайтирилган очик мажлисида педагог кадрлар ва жамоатчилик кенгашининг аъзолари иштирокида синов дарси ўтказиш натижалари бўйича ушбу мажлисининг тавсиясига кўра амалга оширилади (Ўзбекистон Республикаси Президентининг йил 5 июндаги ПҚ-3775-сонли Қарори).

30. Университет педагог ходимларининг чет эллик хизмат сафарлари Вазирликнинг 2005 йил 13 апрелдаги 81-сонли буйруғи билан тасдиқланган “Ўзбекистон Республикаси олий таълим муассасаларидан хорижий сафарларга бориш тартиби тўғрисида”ги муваққат Йўриқнома асосида амалга оширилади.

31. ЎзМУ педагог ходимлар таркибининг уч йилда камида бир мартаба қайта тайёрлаш ва малакасини ошириш кафолатини таъминлайди.

32. ЎзМУнинг маъмурий-хўжалик, муҳандислик-техника, ўқув-ёрдамчи ва бошқа хизмат ходимларининг ҳуқуқ ва мажбуриятлари муассаса Ички меҳнат тартиб қоидалари, Одоб-ахлоқ қоидалари ва лавозим Йўриқномалари билан белгиланади.

IV. Ўқув-тарбиявий ва илмий-услубий ишлар

33. ЎзМУ таълимнинг асосий таълим дастурларини икки босқичда амалга оширади: бакалаврият ва магистратура.

Бакалаврият-таълим йўналиши бўйича фундаментал ва амалий билимлар берувчи таянч олий таълимдир.

Бакалаврият дастурини тугатган битирувчиларга давлат аттестацияси яқунларига асосан таълим йўналиши бўйича “бакалавр” даражаси берилади ҳамда давлат намунасидаги диплом топширилади.

Магистратура-йўналишининг муайян мутахассислиги бўйича фундаментал ва амалий билимлар берувчи, бакалаврият негизидаги олий таълимдир.

Магистратура дастурини тугатган битирувчиларга давлат аттестацияси яқунларига асосан тайёрланган муайян мутахассислик бўйича “магистр” даражаси берилади ва давлат намунасидаги диплом унинг эгаларига касбий фаолият билан шуғулланиш ёки танланган таълим йўналишига ва мутахассислигига мувофиқ, таълим муассасаларининг навбатдаги босқичларида ўқишни давом эттириш ҳуқуқини беради.

Бакалавр ва магистрлик давлат намунасидаги диплом унинг эгаларига касбий фаолият билан шуғулланиш ёки танланган таълим йўналишига ва мутахассислигига мувофиқ, таълим муассасаларининг навбатдаги босқичларида ўқишни давом эттириш ҳуқуқини беради.

Олий таълимнинг турли босқичида асосий таълим дастурлари бўйича дастлабки таълим олиш, иккинчи олий таълим олиш сифатида қаралмайди.

Ўзбекистон Республикаси Президентининг 2017 йил 5 июндаги “Олий таълим муассасаларида таълим сифатини ошириш ва уларнинг мамлакатда амалга оширилаётган кенг қамровли ислохотларда фаол иштирокини таъминлаш бўйича қўшимча чора тadbирлар тўғрисида”ги ПҚ-3775-сонли Қарорига биноан алоҳида таълим йўналишлари бўйича ўқиш муддати камида уч йил бўлган бакалаврият ҳамда камида бир йил бўлган магистратура жорий этилиши, бунда магистратурада мутахассислар тайёрлашни ишлаб чиқариш (амалий) (камида бир йил) ва илмий-педагогик (камида икки йил) йўналишларга ихтисослашган дастурлар асосида ташкил этилиши мумкин.

ЎзМУда жаҳоннинг етакчи олий таълим муассасалари билан тузилган ҳамкорлик шартномалари асосида бакалаврият ва магистратура йўналишига

халқаро таълим стандартларига асосланган илғор педагогик технологиялар асосида ўқиш ташкил қилинади.

34. ЎзМУда сиртки ва кечки таълимни ташкил қилиш қонунчиликда белгиланган тартибга тегишли Низомларга мувофиқ амалга оширилади.

35. ЎзМУда таълим жараёнини ташкил этиш, таянч олий таълим муассасалари томонидан ишлаб чиқиладиган ва ўрнатилган тартибда тасдиқланадиган ўқув режалар ва фан дастурлари, ЎзМУ ректори (ўқув ишлари бўйича биринчи проректор) томонидан тасдиқланадиган йиллик ўқув жадвали ҳамда машғулотлар жадвали билан тартибга солинади.

36. Таълим-тарбия жараёнининг бирлиги давлат таълим стандартлари билан таъминланади. Университетнинг ижтимоий - иқтисодий ва гуманитар фанлари кафедралари, маънавий-маърифий ва спорт бўғинларига, талабалар ва бошқа жамоатчилик ташкилотларига, раҳбарлик қилиш ва уларнинг фаолиятини мувофиқлаштириб бориш ёшлар билан илаш бўйича проректор томонидан амалга оширилади.

37. ЎзМУда ўқув машғулотларининг қуйидаги асосий турлари белгиланган: маъруза, семинар, амалий машғулоти, лаборатория машғулоти, мустақил иш, амалиёт, курс лойиҳаси (курс иши), бакалаврлик битирув малакавий иши ҳамда магистрлик диссертацияси.

Аудитория машғулотларининг барча турлари учун 80 дақиқалик танаффусиз қўшма дарс соати белгиланган. Ўқув машғулотлари орасидаги танаффус камида 10 дақиқани ташкил қилади.

Таълим ва тарбия олиб бориладиган тиллар: ўзбек ҳамда рус тили ҳисобланади. Белгиланган тартибда таълим инглиз тилида ҳам олиб борилиши мумкин.

38. Университетда кадрлар тайёрлаш ишлаб чиқаришдан ажралган ҳамда ажралмаган ҳолда олиб борилади.

Университетнинг асосий касбий таълим дастури доирасида таълим олишнинг барча шакллари учун ўрнатилган тартибда ишлаб чиқилган ва “Ўзстандарт” агентлигида давлат рўйхатидан ўтказилган таълим соҳалари бўйича Давлат таълим стандартлари қўлланилади.

39. ЎзМУда ўқув йили икки семестрга бўлинади ва унинг ҳар бири талабаларнинг ўзлаштириши рейтинг назоратлари натижалари асосида яқунланади. Олий таълимнинг таълим дастурларини ўзлаштириш қонунчиликда белгиланган тартибда битирувчиларнинг якуний аттестацияси билан тугалланади.

Ўзлаштириш натижаларига кўра талабаларни курсдан курсга ўтказиш факультет деканининг тавсиясига биноан ректор буйруғи асосида амалга оширилади ҳамда стипендия комиссияси томонидан уларга мос стипендия бегиланади.

Талабаларни курсдан курсга шартли ўтказиш мумкин эмас.

40. ЎзМУда илғор педагогик ва ахборот технологиялари, таълимни индивидуаллаштириш ва мустақил таълим олиш воситаларини, модул тизими ҳамда масофавий таълим олишни қўллаш ҳисобига мутахассислар

тайёрлаш сифатини оширишга йўналтирилган илмий-услубий ишлар амалга оширилади.

41. Олий ўқув юртидан кейинги таълим

Олий ўқув юртидан кейинги таълим - жамиятнинг олий малакали илмий ва илмий-педагог кадрларга эҳтиёжини таъминлашга йўналтирилган узлуксиз таълим тури.

Олий ўқув юртидан кейинги таълим институти -ЎзМУда таянч докторантура, докторантура ёки мустақил изланувчилик шаклларидаги олий ўқув юртидан кейинги таълимни амалга ошириш тизими.

Таянч докторантура - Ўзбекистон Республикаси Давлат бюджети маблағлари ҳисобидан молиялаштирилладиган, ишлаб чиқаришдан ажралган ҳолда мутахассисликни чуқур ўрганиш ва докторлик диссертациясини тайёрлаш ҳамда химоя қилиш мақсадида улар томонидан илмий изланишлар олиб бориш бўйича фалсафа доктори (PhD) илмий даражаси изланувчилари учун ЎзМУда ташкил этиладиган олий малакали илмий ва илмий-педагог кадрлар ихтисосликлар бўйича олий ўқув юртидан кейинги таълим шакли.

Докторантура - Ўзбекистон Республикаси Давлат бюджети маблағлари ҳисобидан молиялаштирилладиган, ишлаб чиқаришдан ажралган ҳолда мутахассисликни чуқур ўрганиш ва докторлик диссертациясини тайёрлаш ҳамда химоя қилиш мақсадида улар томонидан илмий изланишлар олиб бориш бўйича фалсафа доктори (DSc) илмий даражаси изланувчилари учун ЎзМУда ташкил этиладиган олий малакали илмий ва илмий-педагог кадрлар ихтисосликлари бўйича олий ўқув юртидан кейинги таълим шакли.

Мустақил изланувчилик - ишлаб чиқаришдан ажралмаган ҳолда докторлик диссертациясини тайёрлаш ва химоя қилиш мақсадида мутахассисликни чуқур ўрганиш ва улар томонидан илмий изланишлар бўйича фалсафа доктори (PhD) ёки фан доктори (DSc) илмий даражалари изланувчилари учун ЎзМУда ташкил этиладиган олий малакали илмий ва илмий-педагог кадрлар бўйича олий ўқув юртидан кейинги таълим шакли.

42. ЎзМУда фалсафа доктори (PhD), докторлик (DSc) илмий даражасини берувчи Илмий кенгашларда фалсафа доктори (PhD) ва докторлик (DSc) илмий даражасини олиш учун ихтисосликлар бўйича химоялар ўтказилади.

43. Ўзбекистон Республикаси Президентининг 2015 йил 12 июндаги “Олий таълим муассасаларининг раҳбар ва педагог кадрларни қайта тайёрлаш ва малакасини ошириш тизимини янада такомиллаштириш чора-тадбирлари тўғрисида”ги ПФ-4732-сонли Фармони ҳамда Ўзбекистон Республикаси Вазирлар Маҳкамасининг 2015 йил 21 сентябрдаги “Ўзбекистон Республикаси Вазирлар Маҳкамасининг “Олий таълим муассасалари педагог кадрларни қайта тайёрлаш ва уларнинг малакасини ошириш тизимини янада такомиллаштириш чора-тадбирлари тўғрисида”ги Қарорига мувофиқ кадрларни қайта тайёрлаш ва малакасини ошириш бўйича касбий таълим дастурлари амалга оширилади.

Кадрларни қайта тайёрлаш ва малакасини ошириш факультетида ўқиш натижаларига кўра ўрнатилган тартибда тасдиқланган давлат намунасидаги сертификат (диплом) берилади.

Университет Кенгаши томонидан тасдиқланган мавзулар, режалар бўйича бажариладиган ишларнинг сифати ҳамда меҳнат хавфсизлиги таъминланган ҳолда талабалар, магистрантлар, катта илмий ходим-изланувчи ва мустақил изланувчилар кенг жалб этилиб, илмий-тадқиқот ва ижодий ишлар олиб борилади.

44. Илмий тадқиқотлар куйидаги маблағлар ҳисобидан молиялаштирилади:

– давлат илмий-техника дастурлари доирасида фан, техника ва маданиятнинг муҳим йўналишлари бўйича фундаментал, амалий ҳамда инновацион тадқиқотларни бажариш учун ажратиладиган давлат бюджети маблағлари;

– шартнома асосида, конунда белгиланган тартибда соҳавий вазирликлар, идоралар, корхоналар, бирлашмалар ва бошқалар, шу жумладан хорижий ташкилотлар маблағлари.

– олиб борилган илмий тадқиқот натижаларини ишлаб чиқаришга жорий этиш асосидаги тушумлар;

– бюджетдан ташқари маблағлар;

– хомий ташкилот ва корхоналар;

– маҳаллий бюджет маблағлари.

V. ЎзМУнинг тузилмаси (таркиби)

45. ЎзМУ таркибига куйидагилар киради:

а) Факультетлар:

1. Математика факультети;

2. Физика факультети ;

3. Биология факультети;

4. Кимё факультети;

5. Геология ва геоинформацион тизимлар факультети;

6. География ва табиий ресурслар факультети;

7. Тарих факультети;

8. Ижтимоий фанлар факультети;

9. Хорижий филология факультети;

10. Иқтисодиёт факультети ;

11. Журналистика факультети;

12. Таэквандо ва спорт факультети;

13. Ўзбек Исроил қўшма “Юқори технологиялар ва муҳандислик математикаси” факультети.

–**Факультет** ЎзМУнинг ўқув-илмий ва маъмурий тармоғи ҳисобланиб, тегишли таълим йўналишлари ва мутахассисликлар бўйича талаба, магистрлар ва катта илмий ходим-изланувчиларни тайёрлаш ҳамда тегишли

соҳаларнинг раҳбар ходимлари, мутахассислари малакасини ошириш, шунингдек, кафедраларнинг илмий-тадқиқот ишларини мувофиқлаштириш ва факультетга оид бошқа таълим ишларини амалга оширади.

б) Кафедралар.

Кафедра факультетлар тузилишидаги бир ёки бир неча турдош фанлар бўйича ўқув, илмий-услубий, маънавий-маърифий ишларни олиб борувчи, илмий ва илмий-педагогик кадрларни тайёрловчи ҳамда уларнинг малакасини оширувчи асосий тузилма ҳисобланади. Кафедра ўз фаолиятини Олий ва ўрта махсус таълим вазирлигининг 2017 йил 28 апрелдаги 267-сонли буйруғи билан тасдиқланган “Вазирлик тасарруфидаги олий таълим муассасалари кафедралари фаолиятини ташкил этиш ҳамда кафедра мудирлари фаолиятини баҳолаб бориш тартиби” асосида амалга оширади.

в) Ўқув ва илмий лабораториялар

Ўқув ва илмий лабораториялар назарий билимларни амалда қўллаш, илмий тадқиқот олиб бориш усулларини ўрганиш ва улардан фойдаланиш кўникмаларини шакллантиришга хизмат қилади.

э) ЎЗМУнинг ташкилий тузилмаси қуйидаги маъмурий бошқарув ва бўлимлардан иборат:

1. ЎЗМУ Кенгаши, Ректор, Васийлик Кенгаши;
2. Ўқув ишлари бўйича биринчи проректор;
3. Ёшлар билан ишлаш бўйича проректор;
4. Илмий ишлар ва инновациялар бўйича проректор;
5. Халқаро алоқалар бўйича проректор;
6. Молия-иқтисод ишлари бўйича проректор;
7. Ректор ёрдамчиси;
8. Мониторинг ва ички назорат бўлими;
9. Маркетинг ва битирувчиларни ишга жойлаштириш бўлими;
10. Ходимлар бўлими;
11. Девонхона ва архив;
12. Биринчи бўлим;
13. Иккинчи бўлим;
14. Юрисконсулт (Хуқуқшунос-маслаҳатчи);
15. Ҳарбий кафедра;
16. Олий журналистика курси;
17. Таълим сифатини назорат қилиш бўлими;
18. Ўқув-услубий бошқарма;
19. Магистратура бўлими;
20. Сиртки таълим бўлими;
21. Ахборот-ресурс маркази;
22. Ахборот технологиялари маркази;
23. Илмий-ўқув музейлари;
24. Факультетлараро умумтаълим кафедралари;
25. Маънавий -маърифат ва иқтидорли ёшлар билан ишлаш бўлими;
26. Талабалар турар жойи дирекцияси;

27. Спорт комплекси;
28. Илмий тадқиқотлар ва илмий-педагог кадрларни тайёрлаш бўлими;
29. Тахририй-нашриёт бўлими;
30. “Ботаника” ўқув-илмий амалиёт базаси;
31. Илмий тадқиқотлар бўлими;
32. Босмахона;
33. Халқаро алоқалар бўлими;
34. Режа-молия бўлими;
35. Бухгалтерия;
36. Техник фойдаланиш ва хўжалик бўлими;
37. Фуқаро ва меҳнат муҳофазаси бўлими;
38. Ўқитишнинг техник воситалари бўлими.
39. Инновацион жамғармалар ва илмий-инновацион ишланмаларни тижоратлаштириш бўйича бўлим (Ўзбекистон Республикаси Президентининг 2018 йил 7 майдаги №ПҚ-3698-сон “Иқтисодиёт тармоқлари ва соҳаларига инновацияларни жорий этиш механизмларини такомиллаштириш бўйича кўшимча чора-тадбирлар тўғрисида”ги Қарорига мувофиқ ташкил этилган).
40. Автоматлаштирилган телефон станцияси;
41. Бош муҳандис;
42. Бош энергетик;
43. Криогенстанцияси;
44. Педагог кадрларни қайта тайёрлаш ва малакасини ошириш минтақавий маркази;
45. Академик лицей;
46. Ахборот коммуникация технологиялари соҳасида малака ошириш таянч ўқув маркази;
47. Чорвоқ ўқув-илмий амалиёт базаси;
48. Бурчмулло радиофизика ўқув полигони;
49. Оксокота ўқув-илмий амалиёт базаси.

д) Ўзбекистон Республикаси Вазирлар Маҳкамасининг “Олий таълим муассасалари педагог кадрларини қайта тайёрлаш ва уларнинг малакасини ошириш тизимини янада такомиллаштириш чора-тадбирлари тўғрисида”ги 2012 йил 29 сентябрдаги 278-сонли Қарори, Ўзбекистон Республикаси Олий ва ўрта махсус таълим вазирлигининг 2012 йил 29 сентябрдаги 371-сонли буйруғи асосида Ўзбекистон Миллий университети ҳузуридаги “Педагог кадрларни қайта тайёрлаш ва уларнинг малакасини ошириш тармоқ маркази” ташкил қилинган. Мазкур марказ давлат муассасаси ҳисобланиб ўз фаолиятини Ўзбекистон Республикаси қонунлари, ЎЗМУ буйруқлари ҳамда ўзининг Устави асосида олиб боради.

е) Ўзбекистон Республикаси Президентининг 2017 йил 26 сентябрдаги ПҚ-3290-сонли қарорига асосан С.Х. Сирожиддинов номидаги академик лицей ЎЗМУ тассаруфига ўтказилган. Мазкур лицей 1998 йилда ташкил этилиб унда 4 та йўналиш бўйича ўқиш ташкил этилган. Лицей фаолияти Ўзбекистон Республикаси қонунлари, ЎЗМУ буйруқлари, тегишли меъёрий

хужжатлар ва ўзининг Устави асосида амалга оширилади.

ж) Ўзбекистон Республикаси Олий ва ўрта махсус таълим вазирлиги, Ўзбекистон Республикаси Фанлар Академияси, Ўзбекистон Миллий университети ҳамда Буюк Британиянинг Кембриж университети ўртасида 2011 йил 27 июлда тузилган ҳамкорлик Меморандуми асосида Ўзбекистон Республикаси Президентининг 2011 йил 26 октябрдаги ПК-1631-сонли қарорига мувофиқ ЎЗМУ ҳудудида Буюк Британиянинг Кембриж университети иштирокида Юқори технологиялар Маркази ташкил қилинган. Марказнинг фаолияти Ўзбекистон Республикаси қонунлари, тегишли меъёрий ҳужжатлар ва ўзининг Устави асосида амалга оширилади.

з) Ўзбекистон Республикаси Вазирлар Маҳкамасининг 2014 йил 27 мартдаги “Давлат ва хўжалик бошқаруви, маҳаллий давлат ҳокимияти органлари ходимларининг ахборот-коммуникация технологиялари соҳаси бўйича малакасини оширишга доир қўшимча чора-тадбирлар тўғрисида”ги 73-сонли қарори асосида ЎЗМУ қошида Ўзбекистон Республикаси Вазирлар Маҳкамасининг Маданият, таълим, соғлиқни сақлаш ва ижтимоий муҳофаза масалалари мажмуасининг фан, таълим ва ёшлар сиёсати соҳаларида фаолият олиб бораётган ходимлар малакасини ошириш таянч ўқув маркази ташкил қилинган. Марказ ўз фаолиятини Ўзбекистон Республикаси қонунлари, тегишли меъёрий ҳужжатлар ва ўзининг Устави асосида амалга оширади.

и) Ўзбекистон Республикаси Вазирлар Маҳкамасининг 2018 йил 27 апрелдаги “Мирзо Улуғбек номидаги Ўзбекистон Миллий университети Нанотехнологияларни ривожлантириш марказини ташкил этиш тўғрисида”ги 311-сонли Қарорига мувофиқ ЎЗМУда “Ўзбекистон Миллий университети Нанотехнологияларни ривожлантириш маркази” ташкил қилинган. Марказнинг фаолияти Ўзбекистон Республикаси қонунлари, тегишли меъёрий ҳужжатлар ва ўзининг Низоми асосида амалга оширилади.

к) Ўзбекистон Республикаси Вазирлар Маҳкамасининг 2018 йил 25 июндаги “Мирзо Улуғбек номидаги Ўзбекистон Миллий университети ҳузурида ярим ўтказгичлар физикаси ва микроэлектроника илмий-тадқиқот институтини ташкил этиш тўғрисида”ги 468-сонли Қарорига мувофиқ Мирзо Улуғбек номидаги Ўзбекистон Миллий университети Физика факультетининг Яримўтказгичлар физикаси ва микроэлектроника лабораторияси негизида Мирзо Улуғбек номидаги Ўзбекистон Миллий университети ҳузуридаги Яримўтказгичлар физикаси ва микроэлектроника илмий-тадқиқот институти ташкил этилган. Институт давлат муассасаси шаклидаги юридик шахс ҳисобланиб, ўз фаолиятини Ўзбекистон Республикаси қонунларифизики и, тегишли меъёрий ҳужжатлар ва ўзининг Устави асосида амалга оширади.

л) Ўзбекистон Республикаси Вазирлар Маҳкамасининг 2018 йил 19 июндаги “Мирзо Улуғбек номидаги Ўзбекистон Миллий университети ҳузурида Биофизика ва биокимё институтини ташкил этиш тўғрисида”ги 558-сонли қарори ҳамда Олий ва ўрта махсус таълим вазирлигининг 2018 йил 28 июлдаги 673-сонли буйруғи асосида ЎЗМУда Биофизика ва биокимё

институту ташкил қилинган. Институтнинг фаолияти Ўзбекистон Республикаси қонунлари, тегишли меъёрий ҳужжатлар ва ўзининг Устави асосида амалга оширилади.

VI. Университетни бошқариш

46. ЎзМУни бошқариш Ўзбекистон Республикаси қонунчилиги ҳамда ушбу Уставга мувофиқ яқка раҳбарлик ва олий таълим муассасасининг Кенгаши орқали жамоатчилик бошқарувини уйғунлаштириш тамойили асосида амалга оширилади.

47. ЎзМУни бевосита бошқариш Ўзбекистон Республикаси Президентининг 1992 йил 9 мартдаги Ф-137-сонли Фармойишида белгиланган тартиб асосида тайинланадиган ректор томонидан амалга оширилади.

Ректор ЎзМУ фаолиятига, шунингдек, ЎзМУнинг Ички меҳнат тартиб қоидалари, Одоб-ахлоқ қоидалари, “Олий таълим тўғрисида”ги Низом ҳамда мазкур Уставда белгиланган мажбуриятлар учун масъулдир.

Ректор Ўзбекистон Республикаси қонунчилигига мувофиқ олий таълим муассасаси номидан иш олиб боради барча идоралар, муассасалар, корхоналарда унинг вакили сифатида қатнашади, олий таълим муассасасининг мол-мулкига масъуллик қилади, шартномалар тузади, ишончномалар беради, банк муассасаларида ЎзМУнинг ҳисоб рақамларини очади, молиявий маблағлардан ўрнатилган тартибда фойдаланиш бўйича фармойишлар беради.

Ректор университетнинг ваколати доирасида:

– Университетнинг барча ходимлари, талабалари ва бошқа таълим олаётганлар учун мажбурий бўлган буйруқлар чиқаради ва топшириқлар беради;

– Олий ва ўрта махсус таълим вазирлиги билан келишилган ҳолда факультет деканлари ва бош бухгалтерни лавозимига тайинлайди ҳамда лавозимидан озод қилади;

– ЎзМУ проректорлари лавозимига номзодларни тавсия этади ва проректорлар, деканларнинг муайян вазифалари ҳамда масъулиятларини белгилайди;

– ЎзМУ ходимлари ва хизматчиларини, шунингдек илмий-педагогик ходимларини Ўзбекистон Республикаси меҳнат қонунчилиги ва Вазирлар Маҳкамаси томонидан белгиланган тартибда ишга олиш ва бўшатишни амалга оширади;

– ЎзМУнинг штат ҳажми катталиги сабабли раҳбар ходим бўлмаган ўқув, илмий, хўжалик ёрдамчи ходимларни ишга қабул қилиш ва ишдан бўшатишни меҳнат қонунчилигида белгиланган тартибда тегишли йўналишлар бўйича проректорлар ҳам амалга оширишлари мумкин;

– ЎзМУ таркибига кирган илмий тадқиқот, тажриба-экспериментал ҳамда бошқа ташкилот ва бўлинмаларнинг вазифаларини белгилайди ва улар

тўғрисидаги низомларни тасдиқлайди;

– ЎзМУ ходимларининг лавозим маошларига ҳар ойлик устамалар ва кўшимчаларни белгилайди;

– ЎзМУ нинг ходимлар ва талабалар касаба уюшма кўмиталари билан келишган ҳолда Ички меҳнат тартиб қоидаларини тасдиқлайди;

– ЎзМУ нинг амалдаги қонун ҳужжатлари ёки Вазирликнинг норматив-ҳуқуқий ҳужжатлари бузилган ҳолда чиқарилган буйруқларини бекор қилади;

– ЎзМУда намунавий штат бирликларига мувофиқ ажратилган маблағлар ҳамда иш ҳақи фонди, тасдиқланган ЎзМУ ходимларининг сони ва лавозим маошлари, тариф сеткаси доирасида олий таълим муассасаси профессор-ўқитувчилари таркиби ва ЎзМУнинг штат бирлигини тасдиқлайди ҳамда лавозим маошларини белгилайди;

– ЎзМУ Кенгашининг тавсиясига кўра ўрнатилган тартибда тегишли норматив-ҳуқуқий ҳужжатларга мувофиқ факультетларни, кафедраларни очиш (ташқил этиш) ёки ёпиш (тугатиш) қарорларини тасдиқлайди.

– ЎзМУ ректорига ўзи ишлаётган олий таълим муассасасида ва ундан ташқарида ҳақ тўланадиган бошқа раҳбарлик лавозимида (илмий ва илмий-методик раҳбарликдан ташқари) ўриндошлик бўйича ишлашга рухсат этилмайди. Ректор ўз вазифаларини ўриндошлик бўйича бажариши мумкин эмас.

48. Олий таълим тўғрисидаги Низомга мувофиқ ЎзМУ фаолиятининг асосий масалаларини кўриш учун Кенгаш ташқил этилган. Ўзбекистон Республикаси Вазирлар Маҳкамасининг 2012 йил 28 декабрдаги 365-сонли Қарорининг 2-банди ва ЎзМУнинг 2013 йил 04 февралдаги 01-27-сонли буйруғи асосида Ўзбекистон Миллий университетининг Илмий кенгаши университет Кенгаши ва факультетлар Илмий кенгашлари факультет Кенгаши деб номланган.

Низом бўйича Кенгаш таркибига ректор қиради ва Кенгаш раиси ҳисобланади, шунингдек, проректорлар, етук мутахассислар, факультетлар деканлари, университет таркибига қирувчи ташкилот ва тармоқлар раҳбарлари, мутахассис тайёрловчи кафедралар мудирлари, университет талабалари ва ходимлари, касаба уюшмаларининг вакиллари қиради. Кенгашнинг бошқа аъзолари умумий мажлисда (конференцияда) яширин овоз бериш йўли билан сайланади. Педагог ходимлар таркибидан Кенгашга сайланувчи аъзоларнинг сони ректор буйруғи билан белгиланади. Кенгашнинг ваколати, уни сайлаш ва фаолият юритиш тартиби Ўзбекистон Республикаси Олий ва ўрта махсус таълим вазирлиги томонидан тасдиқланган “Олий таълим муассасасининг Кенгаши тўғрисидаги Низом” асосида ишлаб чиқилган ва ЎзМУ ректори томонидан тасдиқланган “Ўзбекистон Миллий университети Кенгаши” тўғрисидаги Низом билан белгиланади.

ЎзМУ Кенгашининг ваколатлари:

– конференцияларни ташқил этиш, шунингдек унинг ўтказилиши

билан боғлиқ бошқа масалаларни ҳал қилиш тўғрисида қарор қабул қилиш;

– университетни ривожлантиришни асосий истиқболли йўналишларини шу жумладан унинг таълим ва илмий фаолиятини белгилаш;

– ўқув жараёнини ташкил этишнинг асосий масалалари, шу жумладан талабаларни қабул қилиш қоидаларини белгилаш, ўқув режасини тузиш, талабаларни ўқитишнинг амалдаги тартибини тартибга солиш, якуний назоратлар бўйича талабаларни ўзлаштириши натижаларини кўриб чиқиш;

– молиявий-хўжалик фаолиятини режасини ва университетни ривожлантириш дастурини кўриб чиқиш;

– университет ректорининг йиллик ҳисоботларини тинглаш;

– таълим масалалари, илмий-тадқиқот масалалари бўйича ахборот таҳлилий, молиявий-иқтисодий фаолиятини ва шунингдек университетнинг халқаро ҳамкорлик масалалари бўйича қарорларини қабул қилиш;

– университет Кенгашининг иш режасини тасдиқлаш;

– университет профессор-ўқитувчиларидан номзодларни илмий унвонлар олишга тавсия қилиш;

– университетнинг фаолиятини амалга оширувчи таркибий бўлимларни тузиш ва тугатиш тўғрисида қарорлар қабул қилиш (илмий, илмий-тадқиқот ва илмий-техник лаборатория фаолиятини амалга ошириш, илмий-техник фаолиятини амалга оширувчи бошқа ташкилотларнинг таълим фаолиятини амалга оширувчи бўлимлар ташкил этиш ва тугатиш тўғрисида);

– университет педагогик ходимларини Кенгашда танлов бўйича ўтказиш;

– университет ходимларини Давлат мукофотларига тавсия бериш;

– университет Кенгаши томонидан тасдиқланган қоидалар асосида фахрий унвонлар бериш;

– университетда талабалар учун стипендия масалаларини тартибга солувчи қоидаларни тасдиқлаш;

– Давлат ва номдор стипендияларига талабалар номзодларини тавсия қилиш.

49. Университетда Касаба уюшмалари ва бошқа жамоатчилик ташкилотлари фаолият кўрсатади. Талабалар ва ходимлар манфаатларини химоялашни талабалар ва ходимлар – касаба уюшмаси кўмитаси ҳамда уларнинг ЎзМУда сайланган органлари амалга оширади. Талабалар ва ходимлар ваколат органларининг ҳуқуқлари ва уларга нисбатан ЎзМУ маъмуриятининг мажбуриятлари қуйидагилардир:

Касаба уюшмаси ҳуқуқлари:

– муассасани ижтимоий ва иқтисодий ривожлантиришга доир масалаларни кўриб чиқишда қатнашиш;

– ЎзМУнинг педагог ходимлари, талабаларига моддий ёрдам кўрсатиш ва рағбатлантиришни ташкил этиш;

– музокаралар олиб бориш, жамоа шартномалари ва келишувларини тузиш;

– жамоа аъзоларидан келган шикоят ариза ва бошқа мурожаатларини

кўриб чиқиш;

– меҳнат низоларини кўрувчи органларда ходимлар манфаатини химоя қилиш ва қонунчиликда белгиланган бошқа ҳуқуқлардан фойдаланиш.

Муассаса мажбуриятлари:

– ходимларнинг ваколатли органи сифатида касаба уюшма қўмитасини ҳуқуқларига риоя қилиш ва унинг фаолиятига қўмаклашиш;

– ходимлар ва талабалар манфаатларига тааллуқли бўлган қарорларни қабул қилишдан олдин уларнинг вакиллик органлари билан маслаҳатлашиш, меҳнат тўғрисидаги қонунлар ва бошқа норматив ҳужжатларда кўрсатилган ҳолларда эса, уларнинг розилигини олиш;

– ходимларнинг вакиллик органларига нисбатан меҳнат тўғрисидаги қонунлар ва бошқа норматив ҳужжатларда назарда тутилган бошқа мажбуриятларни бажариш.

Ўзбекистон ёшлар иттифоқининг ЎзМУдаги бошланғич ташкилоти ёшлар етакчиси, инсон ҳуқуқлари бўйича вакил, хотин-қизлар қўмитаси ва бошқа жамоа ташкилотлари фаолият кўрсатмоқда.

Қонунчиликда белгиланган тартибда жамоатчилик назоратини жорий этиш мақсадида талабалар, ота-оналар, Ёшлар иттифоқининг ЎзМУдаги фаоллари, кадрлар буюртмачилари, профессор-ўқитувчилар ҳамда фуқаролик жамияти институтлари вакиллари билан иборат таркибда жамоатчилик кенгашлари, илмий, жамиятлар, илмий-услубий, илмий-техник кенгашлар ва комиссиялар, Ёш олимлар кенгаши, талабалар маънавий-маърифий клублари ва бошқа жамоа ташкилотлар ташкил этилиши мумкин.

Олий таълим муассасаси жамоатчилик ташкилотларининг тавсияларини Кенгашда кўриб чиқади ва ўз фаолиятида уларни ҳисобга олади.

50. ЎзМУ таълим фаолиятини йўналишлар бўйича бошқариш ўқув ишлари, маънавий-маърифий, илмий ишлар, молия ва иқтисодий ишлари проректорлари томонидан амалга оширилади. Ўзбекистон Республикаси Президентининг 1992 йил 9 мартдаги Ф-137-сонли Фармойишига мувофиқ олий таълим муассасасининг проректори ректор тавсиясига кўра Олий ва ўрта махсус таълим вазирлиги томонидан Ўзбекистон Республикаси Президенти девони билан келишилган ҳолда тайинланади. Проректорлар ваколатлари ЎзМУ Ички меҳнат тартиби, Одоб-ахлоқ қоидалари, лавозим вазибалари ва олий таълимга оид бошқа меъёрий ҳужжатлар билан белгиланади.

51. ЎзМУнинг факультетини Олий ва ўрта махсус таълим вазирлиги билан келишилган ҳолда ректор томонидан тайинланадиган декан бошқаради.

Факультет декани ўз фаолиятини қонунчиликда белгиланган тартибда амалга оширади.

Ўзбекистон Республикаси қонунчилигига мувофиқ факультетда Кенгаш ташкил этилиши мумкин.

Кенгашнинг таркиби, ваколатлари, шакллантирилиши ва фаолияти қонунчиликда белгиланган тартибда амалга оширилади.

Кафедрани одатда, фан доктори, фан номзоди илмий даражасига, шунингдек, профессор ёки доцент илмий унвонига, тегишли мутахассислик бўйича хорижий мамлакатларнинг илмий даражаси (Ph.D)га эга бўлган ҳамда белгиланган тартибда университет Кенгашида танловдан ўтган кафедра мудири бошқаради ва унга кафедра фаолияти учун шахсий масъулият юклатилади.

Кафедра мудирининг вазифалари ва кафедранинг фаолияти қонунчиликда белгиланган тартибда Ўзбекистон Республикаси Олий ва ўрта махсус таълим вазирлиги томонидан 2017 йил 28 апрелдаги 267-сонли буйруғи билан тасдиқланган “Вазирлик тасарруфидаги олий таълим муассасалари кафедралари фаолиятини ташкил этиш ҳамда кафедра мудирлари фаолиятини баҳолаб бориш тартиби”га асосан амалга оширади.

VII. Молия - хўжалик фаолияти ва моддий-техник база

52. ЎЗМУ ушбу Уставда назарда тутилган фаолиятни амалга ошириш мақсадида оператив бошқариш ҳуқуқи билан давлат (таъсисчи) томонидан бинолар, иншоотлар, мулкий мажмуалар, ЎЗМУ паспортига мувофиқ асбоб-ускуналар, шунингдек истеъмол, ижтимоий, маданий ва бошқа мақсадлар учун зарур бўлган мулклар бириктирилган. ЎЗМУ фақат Ўзбекистон Республикаси Вазирлар Маҳкамасининг қарори билан амалга ошириладиган давлат тасарруфидан чиқариладиган ва хусусийлаштириладиган объектлар қаторига киритилган.

Университетга ажратилган ер участкалари ЎЗМУга муддатсиз текин фойдаланиш учун бириктирилган.

53. ЎЗМУга жисмоний ва юридик шахслардан совға, ҳада ёки васият бўйича берилган пул маблағлари, мол-мулк ва бошқа мулкий объектларга, олий таълим муассасаси фаолиятининг самараси ҳисобланган интеллектуал ва ижодий маҳсулотларга, шунингдек ўз фаолияти орқали оладиган даромадлар ва бу даромадлар ҳисобидан сотиб олинadиган мулкий объектларга эгаллик қилиш ҳуқуқи берилган.

54. ЎЗМУ мол-мулкни ижарага олувчи ва мол-мулкни ижарага берувчи сифатида фаолият кўрсатиш ҳуқуқига эга. Ижара ҳақи сифатида олинган маблағлар таълим жараёнини таъминлаш ва уни ривожлантириш учун фойдаланилади. Ўзбекистон Республикаси Вазирлар Маҳкамасининг 2009 йил 8 апрелдаги 102-сонли қарори билан тасдиқланган “Давлат мулкни ижарага бериш тартибини такомиллаштириш чора-тадбирлари тўғрисида”ги Низомга мувофиқ олий таълим муассасаси ўзига бириктирилган ва ижарага берилиши қонун ҳужжатларига зид бўлмаган бинолар, иншоотлар ва уларнинг қисмлари, асбоб-ускуналар, транспорт воситалари шаклидаги давлат мулки ва бошқа мол-мулкларни тасарруф этиш ҳуқуқисиз, белгиланган нархлар бўйича ижарага беришни амалга оширади.

55. Университетнинг таълим фаолиятини молиявий таъминлаш давлат грантлари асосида мутахассислар тайёрлаш учун ажратилган бюджет

маблағлари, давлат томонидан белгиланган нормативлардан келиб чиққан ҳолда қайта тайёрлаш ва ходимларнинг малакасини ошириш ҳисобига ажратилган маблағлар, шунингдек бюджетдан ташқари маблағлар, жумладан талабалар ва тингловчиларни ўқитиш учун белгиланган тартибда олинган тўлов-шартнома асосидаги маблағлар, инновацион, илмий-тадқиқот натижаларини тижоратлаштириш, фаолияти масофадан ўқитиш, хомийлик, грант, чет-эл грантлари ва амалдаги қонунчилик томонидан таъқиқланмаган барча молия-ҳўжалик фаолиятдан олинган маблағлар ҳисобига амалга оширилади.

56. Ўзбекистон Республикаси “Таълим тўғрисида”ги Қонуннинг 6-моддаси 7-бандига мувофиқ ЎзМУ уставида белгиланган вазифаларига мувофиқ пулли таълим хизматлари кўрсатиш, шунингдек тадбиркорлик фаолиятининг бошқа турлари билан шуғулланишга ҳақли. Амалдаги қонунчиликда белгиланган тартибда таълим ва бошқа соҳаларда пуллик хизмат фаолиятини амалга ошириши мумкин. ЎзМУда пулли таълим хизматлари кўрсатилиши, шунингдек илмий-тадқиқот изланишларга қаратилган илмий-ишлаб чиқариш корхоналар, хўжалик жамиятлар ташкил қилиниши мумкин.

ЎзМУ ўз мулки билан хўжалик жамиятлари ва ширкатларнинг устав жамғармасида қатнашиш, пуллик таълим хизматлари, консалтинглар ва бошқа хизматлар учун нархларни белгилаш, солиқ ва қонунчиликда назарда тутилган бошқа мажбурий тўловлардан сўнг қолган даромадни мустақил тасарруф этиш ҳуқуқига эга.

ЎзМУ Ўзбекистон Республикаси қонунчилигига ҳамда мазкур уставга зид бўлмаган шартномаларни тузиш, мажбуриятлар ва бошқа шартларни белгилаш бўйича масалаларни мустақил ҳал қилади.

57. Университетда лавозим маошлари меҳнат шартномаси (битими) тузилаётганда “Олий таълим муассасалари ходимлари меҳнатига ҳақ тўлаш” тўғрисидаги қонун ҳужжатлари ҳамда меҳнатга ҳақ тўлашнинг, ЎзМУ учун белгиланган меҳнатга ҳақ тўлаш қоидалари ва ягона тариф сеткасига мувофиқ белгиланади. ЎзМУ ходимига лавозим маоши ўз функционал вазифаларни ҳамда меҳнат шартномасида назарда тутилган ишларни бажарганлиги учун тўланади. Ходимга қўшимча маош, устама ва бошқа моддий рағбатлантириш тадбирларининг ҳажмини университет мустақил, иш ҳақи фонди доирасида қонунчиликда назарда тутилган тартибда ва ҳажмда белгилайди.

ЎзМУда ташкил этилган жамоат ташкилотларига фаолият кўрсатишлари учун зарур бўлган хоналар ажратилади ва уларнинг тозалигини таъминлаш ташкил этилади.

58. Университетга қарашли умумий овқатланиш жойлари, бўш турган майдончалар ЎзМУ раҳбарияти қарори асосида, қонунчиликда белгиланган тартибда ижарага берилиши мумкин.